

## NAQQIUT

Isumaginnittoqarfiup aqunneqarnera aaqqissuussaanelu pillugit Inatsisartut peqqussutaat nr. 11, novembarip 12-ani 2001-meersoq allanngortinneqarnissaa tunngavigalugu 11. april 2016-meersoq Inatsisartut inatsisaat nr. xx.xx 2016-meersoq siunnersuut taarserneqassaaq (inatsisip siunnersuutigineqartup kalaallisut allanneqarnerani qulequttamik qulequtaqqamillu naqqiutigineqarpoq kiisalu kalaallisut nutaamik qulequtsinneqartoq siunnersuut immikkoortoq 1 tunngavigalugu § 7 kinguninnguatigut qulequttamik nutaamik ikkussisoqassaaq inatsisartut peqqussutaanni).

Siunnersuut uunga: **Isumaginnittoqarfiup aqunneqarnera aaqqissuussaanelu pillugit Inatsisartut peqqussutaata allanngortinneqarneranik Inatsisartut inatsisaat nr. xx.xx 2016.**

(Isumaginninnermi malittarisassanik kommunit aqutsinerannik atorunnaarsitsineq)

## § 1

Inatsisartut isumaginnittoqarfiup aqunneqarneranut aaqqissuussaanelullu peqqussutaani nr. 11, 12. november 2001-imeersumi makkunuuna allannguuteqartitsisoqassaaq:

1. § 7-ip kinguninnguatigut qulequttamik nutaamik ikkussisoqassaaq:

*”Isumaginninnermi malittarisassanik kommunit aqutsinerannik atorunnaarsitsineq”*

2. Qulequttap kinguninngua imatut ikkussisoqassaaq:

” § 7a. Naalackersuisut kommunit isumaginninnikkut maleruaqqusat toqqammaavigalugit ingerlatsinerannik atorunnaarsitsissallutik aalajangersinnaapput, tamatumani kommuni pineqartoq pisussaaffimminnik imaluunniit innuttaasut pisisinnaatitaaffiinik annertuumik sumiginnaasimappat.

*Imm. 2.* Atorunnaarsitsinissaq pillugu aalajangerneq piffissamut siumut aalajangeriikkamut imaluunniit killiliinngikkaluarluni atuuttussatut aalajangerneqarsinnaavoq.

*Imm. 3.* Atorunnaarsitsinissamut aalajangernermi isumaginninnermut maleruagassat tamakkerlugit imaluunniit ilaannai pillugit tamatumani isumaginninnikkut maleruagassanut aalajangersimasunut tunngatinneqarsinnaapput.

§ 7b. § 7a malillugu atorunnaarsitsinissaq pillugu aalajangernermi, Naalackersuisut isumaginninnermi maleruagassat ataatsimoortut killissaliussaasa iluanni kommunalbestyrelsi saneqqunneqarsinnaanngitsunik pisussaaffilersinnaavaat isumaginninnikkut maleruagassat

aalajangersimasumik periuseqarluni ingerlatsivigineqarnissaanut aammalu suliasat aalajangiisarnerillu assigiinngitsut qanoq isumagineqartarnissaanik aalajangersaanikkut.

*Imm. 2.* § 7a malillugu atorunnaarsitsinissaq pillugu aalajangernermi, kommunalbestyrelsip isumaginninnikkut oqartussaaffii tamakkiisut ilaannakortulluunniit Naalakkersuisunit isumagisassanngortinneqarsinnaapput. Tamatuma saniatigut Naalakkersuisut isumaginninnikkut maleruagassat naapertorlugit suliasat tigullugillu aallartissinnaallugit.

*Imm. 3.* Kommunip isumaginninnermut maleruagassanik ataatsimoortunik ingerlatsivimmi aqutsineranik atorunnaarsitsinissaq pillugu aalajangiineq tunngavigalugu Naalakkersuisut isumaginninnermut maleruagassat ataatsimoortut naapertorlugit aalajangerner, Isumaginninnermi Naammagittaalliuuteqartarfimmut naammagittaalliuutigineqarsinnaapput. Naammagittaalliorneq, aalajangiineq kommunimit aalajangiunneqarsimappat maleruagassat atorneqarsimasussaagaluit malillugit, pissaaq.

**§ 7c.** § 7a malillugu atorunnaarsitsinissaq pillugu aalajangernerup malitsigisaanik iliuitsit aammalu isumaginninnikkut maleruagassat toqqammavigalugit Naalakkersuisunit peqqussutigineqartut imaluunniit suliani aalajangersimasuni Naalakkersuisut aalajangiineri, sioqqutsisumik kommunimit aningaasaliisoqarsimanngikkaluarpalluunniit piviusunngortinniarneqarsinnaapput. Tamatumani kommunalbestyrelsi naak tunngavilersuiffigineqanngikkaluarluniluunniit pisussaaffilerneqarsinnaavoq aningaasanik atugassanik pissarsiorniarnissamut. Taamatullu pisoqartillugu Inatsisartut kommunit aqunneqarnerannut inatsisaani allaqqasut toqqammavigineqassapput.

**§ 7d.** Naalakkersuisut § 7a malillugu atorunnaarsitsinissaq pillugu aalajangernerup malitsigisaanik ingerlatsinnermut aningaasartuuteqarneranut kommunalbestyrelsi matussusiisassaaq.

*Imm. 2.* Kommunalbestyrelsip pineqartumi sulisooreersut allaffeqarfigisaallu Naalakkersuisunit atugassiissutigissavai. Sulisut tamatumani ilanngullugit kommunini atorfilittut inissisimasut Naalakkersuisut najoqqutassarisaat toqqammavigalugit atorunnaarsitsinnermi pineqartut iluanni suliasaminnik isumaginnittussaataapput.

**§ 7e.** Kommunalbestyrelsi pisussaavoq sulianut tunngatillugu paasisutissat suugaluartut il.il. Naalakkersuisunit piumasarineqartut ingerlateqqittassallugit. Naalakkersuisut kommunalbestyrelsimut piuaffigineqarsinnaavoq allakkatigut nalunaarsueqqullugu.

*Imm. 2.* Imm. 1-imi taaneqartut toqqammavigalugit kommunip ingerlateqqitai, Naalakkersuisunit susassaqqanngitsunut ingerlateqqinneqarsinnaanngillat.

**§ 7f.** Naalakkersuisut pisinnaatitaapput kommunimi sulianik ingerlatsiviusunut sumiikkaluartunut tamanut isersinnaatitaanissaminnut.

*Imm. 2.* Naalakkersuisut pisinnaatitaapput kommunip qarasaasiatigut sullissisarnerni atortorissaarutaannut aammalu taakkua imarisaannut suliallu uppersaataannut misissuisinnaatitaanissamut.

*Imm. 3.* Kommunip qarasaasiatigut sullissisarnerni atortorissaarutaannut Naalakkersuisut isersinnaatitaanissaminni kommunip pisinnaatitaaffii naapertorlugit isersinnaatitaassapput.

**§ 7g.** Naalakkersuisut atorunnaarsitsinissaq pillugu aalajangernerat Isumaginninnermut Naammagittaalliuteqartarfimmut allatigulluunniit ingerlatsinikkut oqartussaaffimmut ingerlateqqinneqarsinnaanngilaq. ”

## **§ 2.**

Inatsisartut inatsisaat ulloq 1. juuli 2016-imiit atuutilersinneqarpoq.

*Namminersorlutik Oqartussat, ulloq xx.xx 2016*

Kim Kielsen